



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

23 Aprilis. 9 Kal. Maji.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

ciis, jejuniisque carnem macerans, aiebas, in paradisum per jejunia nos reverti debere; quia indè per gulam excidimus: cui agræ Sanctæ Cæcilia, & Lucia, è cælo adfuère; adfuit èt pice liquidâ fluente, ac igne horrido fœdissimus dæmon; sed victus est: quæ tandem sumpto, pro viatico, Jesu corpore, in occurrentis tibi MARIÆ amplexus dum brachia exporrigeres, morte dulcissimâ expirâsti!

OMNES SANCTI, &c.

pag. 320.

S. MARIA, à quâ adventum S. Opportunæ, hodie morientis, expectari dixerunt SS. Cæcilia, & Lucia. Expecta èt me; suscipe me, & non confundas me ab expectatione meâ!

23 Aprilis. 9 Kal. Maji.

SANCTE Georgi, tribune militum, & postea Comitibus titulo exornate; qui cum à Christo nolles desciscere, iis, quæ habebas, omnibus, prius in pauperes dispersis, supino pectore, saxum ingens, & horridam cultris machinam, fortiter percussus, sed à splendidissimo, tibi adstante, Angelo sanatus es, prætoribus duobus, & Alexandrâ Imperatrice,

trice, converſis; qui in calce in
 columis, in ferreis candentibusque
 igne crepidis cucurriſti lætus, &
 dicens: *Curre, Georgi, ut apprehen-*
das; ſic enim curris, ut non incaſſum.
 Mira deinde & paſſus, & faciens, a
 Chriſto, tibi apparente, ac dicente:
Ecce jam dignus factus es, qui mecum
regnes! amplexu recreatus, & coro-
 natus es; ac tandem caput Chriſto
 per gladium dediſti: qui Hispanis,
 contra infideles, auxiliarius in acie
 conſpectus es, & author duxque
 magnæ victoria: qui muris Moſ-
 hemienſibus obequitare cuſtos vi-
 ſus es, conſpectâ eorſdem cuſtodire
 Dei Matre, mœnia eadem filo cir-
 cumducto cingente, ac limitem
 ponente, intra quem hoſtis ſe in-
 ferre non poſſet. Fortiſſime Martyr,
 toto corpore dolorum victima. O-
 ra pro pigro hoc, & ad dura, pro æ-
 ternitate, ſuſtinenda delicato mi-
 ſis, & parco meo corpore. Patia-
 tur nunc; ne patiatuſ æternuſ
 currat, quò anima, quò Deus vult;
 ut cælum, non infernum, compre-
 hendat, ac in morte à Chriſto coro-
 netur. Amen.

S. Adalberte Archiepiſc. Un-
 garorum, Bohemorum, & Pruſſiæ
 Apoſtole, lapidate, ac ſeptem lan-
 ceis

ceis confosse: qui te ad viam salutis
permotum dicebas, quòd vidisses
Ditmarum quendam Episcopum
desperanter morientem, cum dice-
ret; se à nigris spiritibus ad chaos
tartareum deportari: qui futuri tui
martyrii imaginem, in somno, in
specie lectuli floridi atque pretiosè
purpurei, conspexisti. Ora pro re-
gnis, pro quibus laborasti: & fac,
ut quicquid ago, aut laboro, sit
mihi via ad lectulum quietis æter-
næ.

S. Felix, & socii MM. S. Felix,
qui per quietem vidisti locum
splendidum, floribus vernantem, &
aromatibus redolentem; in eòque
tabernacula, auro & stellatis gem-
mis insignia, in quibus quinque
nivei agni liliis pascebantur, te ac
sociis tuis eo symbolo indicatis. S.
Ferreole, qui, sub idem tempus,
quinque coronas vidisti, auro gem-
misque pretiosas, tibi, ac Felici,
Ferrutioni, Fortunato, & Achilleo,
sociis tuis Martyribus, destinatas;
& omnes, post varios rotarum, fu-
mi, equulei, & crurum confrac-
tum cruciatus, capite plexi estis.
Docete èt me cælestibus liliis vesci,
non siliquis, quas mundus ob-
trudit porcis suis. Præparate me
per

per generosam patientiam ad coronas.

SS. Marole, & Gerarde, Episc.

S. Georgii Episc. qui Georgii nomen ab Angelo, nativitatis, ac sanctitatis tuæ vate, accepisti: qui lac, in infantia, quartis, & sextis feriis, non nisi semel, idque post solis occasum, fuxisti; oratione deinde ac miraculis singularis.

B. Ægidi, S. Francisci sancte filii, qui vel ad ipsum paradisi nomen extra te rapiebaris: qui cum è S. Bonaventurâ quæreret; quid facere possint indocti, quod Deo placeat ille respondit: Si Deus homini nullum aliud beneficium præstitisset, nisi hoc unicum, quod amari posset Deus ab homine; hoc unum futurum fuisse abundè sufficiens, ad hominem, ad maxima quæque Deo exhibenda obsequia, obligandum, plus quàm reliqua omnia beneficia eum ad id obstringerent. Et cum adderet; posse quamlibet simplicem animam, sine ullâ literarum peritiâ, non minùs, quàm eminentissimum quemlibet Theologum, divino amore ardere; tu sancto illo colloquio adeo es accensus, ut simplicibus illiteratorum animabus, ad amandum deum,

voce

voce ardentissimâ invitatis, toto trium horarum spatio, absque ullo sensuum usu, immotus, & arcanis divini amoris deliciis absorptus, taceris. qui MARIÆ amantissimus, æternam illius virginitatem, tribus è terrâ repentè enascentibus liliis, demonstrâsti: qui, post mortem, cum magno animarum ab igne purgatorio absolutarum agmine, cælum ingressus es.

OMNES SANCTI, &c.

pag. 325.

S. MARIA, qua hodiernum S. Adalbertum à morbo curâsti, cum tibi à matre fuisset commendatus. Sana me, Domina; quoniam infirmus sum. O bona Mater, commenda me Filio tuo, ut saner!

S. MARIA à viridario, cujus templum vastare volentibus piratis, ex imagine tuâ, per oleæ arborem, splendendum jubar emicuit, barbarosque fugavit. quam eandem imaginem videre fideles, hoc XXIII Aprilis die, sanguineo sudore respersam. Tibi, ac per te Deo meo, consecro sanguinem, & sudorem meum. Tu mihi lucem à fonte lucis implora, quâ fuges, quicquid sanctæ paci anima mea infestum est!

24 Aprilis.